


TEZĂUR LITURGIC

5 APRILIE

ACATISTUL SF. CUVIOȘI-MUCENICI VASILE ROSLIAKOV, TROFIM TATARNIKOV ȘI TERAPONT PUȘKAREV DE LA OPTINA II



MOSCOVA, 2000



Акафист

преподобномученикам

Оптинским, на Пасху убиенным,

Василию, Трофиму и Ферапонту

Кондак 1

Избрании Христом Богом на путь монашеского жития отцы святии Василие, Ферапонте и Трофиме; узким путем за Великим Крестоносцем последовавшии, иго Христова благое и бремя Его легкое на себе понесшии, венцами мученическими увенчавшиися и в вечный покой вшедшии, не забудьте и нас братий ваших меньших с благодарением к вам взывающих: Радуйтесь трие новомученицы Оптинские, Христа распятого и воскресшаго проповедницы.

Икос 1

Ангельским житием на земли пожившии, подвигом веры в обители старцев Оптинских просиявшии, житию их подражавшии, кротости и смирению от Христа научившиися, в невечернем дне Царствия Божия пред Живоначальной Троицей ныне предстоящие услышите нас в мире сем лукавом помощи просящих и в молитве к вам вопиющих таковая: Радуйтесь, велие дерзновение у престола Божия

снискавшие;
Радуйтесь, единую благую и спасительную волю Божию исполнить желавшие;
Радуйтесь, сосуды благодати Божией избранные;
Радуйтесь, Победителем смерти оправданные;
Радуйтесь, бесценный бисер Христа обретшие;
Радуйтесь, колосья пшеницы Господней созревшие;
Радуйтесь, вся красная мира сего нивчтоже вменившие;
Радуйтесь, козни диавола и плотские страсти победившие;
Радуйтесь, души свои на алтарь Божий возложившие;
Радуйтесь, не токмо житием, но и смертью своею нас в вере укрепившие;
Радуйтесь, в день Пасхи Господней яко агнцы Божии закланные;
Радуйтесь, на брачный пир Сына Божия призванные;
Радуйтесь трие новомученицы Оптинские, Христа распятого и воскресшаго проповедницы.

Кондак 2

Видя лукавство мира сего во зле лежащего и государства «замки на песке строившего», с совестью своею вразрез идти не пожелавшие, смысла жизни в Боге и с Богом обретшие, Самим Христом на путь истинный наставленные, с

радостью мир сей оставившие, и в обитель
Оптину стопы своя направившие, научаете нас
воспевати Богу: Аллилуиа.

Икос 2

Однажды Воскресшего Христа сретившие и
ризы Его коснувшиеся, иного жития, кроме
иноческого не пожелавшие, первые насельницы
возрождающейся обители явились есте, труды и
подвиги по восстановлению оныя яко крест
Богом данный приявшие и нас во смирении
научаете благодарственно воспевати вам сице:
Радуйтесь, послушанием Христу угодившие;
Радуйтесь, усердными работниками в
вертограде Христовом себя явившие;
Радуйтесь, покаянием и частою исповедию
сердца от скверны греховней очищавшие;
Радуйтесь, и нам сие творити не токмо словом,
но паче делом завещавшие;
Радуйтесь, на ниве Христовой поработати
пришедшие;
Радуйтесь, за труды свои в Царствие Божие
вшедшие;
Радуйтесь, Иисусову молитву непрестанно
творившие;
Радуйтесь, с сею молитвою Христа в сердцах
своих носившие;
Радуйтесь, Духа Святого стяжавшие;
Радуйтесь, жизни свои за Христа отдавшие;

Радуйтесь, евангельски на земле пожившие;
Радуйтесь, подвигом веры безбожие
обличившие;
Радуйтесь трие новомученицы Оптинские,
Христа распятого и воскресшаго проповедницы.

Кондак 3

Веруя яко много может молитва праведного
поспешествуема во благое у могил Оптинских
старцев молишася об укреплении в решении
узким путем шествовати, просвещенные же
Духом Святым мир сей оставили и горнего
Отечества достигнути желая воспели
благодарственную песнь Богу: Аллилуиа.

Икос 3

Имея в сердцах своих благое намерение
работати Господеви со страхом и трепетом,
вооружилися противу страстей, мира сего и
диавола, послушанием преслушание Адамово в
ветхом человеке победити стараясь, предались
трудам во славу Божию, тем самым воли
Божией исполнителями соделавшись, сему
вашему доброму житию внимая, и мы
благодарственно воспеваем вам сице:
Радуйтесь, не о земном, а о небесном
помышлявшие;
Радуйтесь, плоть свою со страстьми и похотьми
распявшие;

Радуйтесь, учителя Священного Писания;
Радуйтесь, делатели Святых отцов Предания;
Радуйтесь, ересей и расколов искоренители;
Радуйтесь, заблудших овец с Церковью
примирители;
Радуйтесь, о смертном часе всегда
помышлявшие;
Радуйтесь, на Пасху Господню умереть
мечтавшие;
Радуйтесь, обетов монашеских исполнители;
Радуйтесь, чистоты веры православных
ревнители;
Радуйтесь, талантами многими от Бога вам
данными просиявшие;
Радуйтесь, венцы нетленные в Царстве
Небесном приявшие;
Радуйтесь трие новомученицы Оптинские,
Христа распятого и воскресшаго проповедницы.

Кондак 4

Вся суетная и ложная в мире сем безбожном
уразумеша, на рало руки свои возложиша и
вспять уже николиже обращахуся, яко истинные
пахари нивы Христовой, трудам иноческим
предаша ся, молитву и подвиги не яве, а тайно
творяше, не человеческой славы искаше, а в
душах и телесех своих Господа прославляюще,
воспели хвалебную песнь Богу: Аллилуиа.

Икос 4

Обитель святая, некогда покаявшимся
разбойником Оптою основанная, и житием
старческим прославившаяся, трудами и
молитвами новых делателей иноческого жития и
вашими из руин и пепла возрождашася, и всему
миру о стремлении народа русского к святости
напоминаше, подвигаяще всех нас восхваляти
вас сице:

Радуйтесь, трие звезды на небосводе святости;

Радуйтесь, яко молитвами вашими мы
сподобляемся радости;

Радуйтесь, постническим житием плоть свою
умертвившие;

Радуйтесь, сему деланию мнози люди
научившие;

Радуйтесь, в невидимой брани иноцы
необоримые;

Радуйтесь, монаси всех любящие и всеми
любимые;

Радуйтесь, души свои в руци Божии предавшие;

Радуйтесь, обидящих вас прощавшие;

Радуйтесь, православныя веры защитницы;

Радуйтесь, семена Божией житницы;

Радуйтесь, монашеского жития доблии
руководители;

Радуйтесь, милостивии наши благодетели;

Радуйтесь трие новомученицы Оптинские,
Христа распятого и воскресшаго проповедницы.

Кондак 5

Добродетельми многими в обители Оптиной
просиявшие, о блаженстве вечном в Царстве
Небесном праведников и муках адских
нераскаившихся грешников всегда
помышлявшие, житие свое в руци Божии
предавшие, яко светила указываете нам путь к
Солнцу Правды Христу Богу и научаете нас пети
Ему: Аллилуиа.

Икос 5

Доблии воины Христовы, аки богатыри
былинные на страже Руси Православней
стоящие, подвигом добрым мужественно
подвизавшиеся, покаянием и слезами души свои
очистившие, Телом и Кровию Христовою в
таинстве Евхаристии напитанные, терпением,
смирением и кротостью украсившиеся, примите
от нас недостойных похвалы таковая:

Радуйтесь, нищету духовную возлюбившие;

Радуйтесь, в простоте сердца яко монаси
пожившие;

Радуйтесь, слезами одежды души убелившие;

Радуйтесь, кротостию землю в наследие
получившие;

Радуйтесь, алчущие и жаждущие правды, яко

насытились;
Радуйтесь, милостивые, яко к Богу
приблизились;
Радуйтесь, чистые сердцем, яко Бога узрели;
Радуйтесь, миротворцы, яко сынами Божиими
стать сумели;
Радуйтесь, миром сим за правду гонимые;
Радуйтесь, стяжавшие блага незримые;
Радуйтесь, яко мученичеством веселие в
райских селениях обретшие;
Радуйтесь, по лестнице ведущей в небо шедшие;
Радуйтесь трие новомученицы Оптинские,
Христа распятого и воскресшаго проповедницы.

Кондак 6

Трудами многими в мире достигше почестей, и
уразумев тщетность славы человеческой, воли
Божией исполнителем соделался еси отче
Василие, и таланты тебе Богом данные не
закопал еси, но еще более приобрел еси, посему
носителем Духа старцев Оптинских явился еси,
глубокою проповедию и духовными стихами к
покаянию народ русский призывая и нас в суете
житейской мятущихся научаеши воспевати
Богу: Аллилуиа.

Икос 6

Ведая яко пастырство, есть сугубое со Христом
сораспятие, ты отче Василие приял еси сей

крест безропотно и многим ищущим утешения, яко пастырь добрый помог еси, врачуя души пасомых благодатию Божией в тебе обильно почивающей, мы же тебе вместе с Трофимом и Ферапонтом иноками благодарственно воспеваем сице:

Радуйтесь, мученической кровию своею омытые;

Радуйтесь, верными чадами Церкви не забытые;

Радуйтесь, древних мучеников подражатели;

Радуйтесь, жития со Христом и во Христе искатели;

Радуйтесь, яко вашими молитвами мы скорбей избавляемся;

Радуйтесь, яко оными мы радости духовной исполняемся;

Радуйтесь, яко у ваших могилок мы душой оживаем;

Радуйтесь, яко со Христом живя мы не умираем;

Радуйтесь, возлюбленные дети Господни;

Радуйтесь, победители темных сил преисподней;

Радуйтесь, душ наших присные врачеватели;

Радуйтесь, благ духовных щедрые раздаятели;

Радуйтесь трие новомученицы Оптинские,

Христа распятого и воскресшаго проповедницы.

Кондак 7

Телесную красоту и силу нивчтоже вменил еси, скромностию и молчаливостию украсился еси, в

иноческом чине Господеви поработати возжелал еси, в Оптину пустынь для делания духовного направился еси отче Ферапонте, где с прочиею братией в послушании потрудился еси, и от Господа венец мученический вместе с Василием и Трофимом прияти сподобился еси научая нас пети Богу: Аллилуиа.

Икос 7

Яко же и отцы Василие и Трофиме ты отче Ферапонте из творений святых отцов книжной премудрости поучался еси, каждому слову внимая и исполнить прочтенное стараясь, в обители Оптиной молитву Иисусову с земными поклонами творя мир Христов обрел еси, и яко скорый на помощь в молитве тебе призывающих прими вместе с братьями-мучениками от нас похвалы таковая:

Радуйтесь, трие отрасли лозы Христовой добродетелями прозябшие;

Радуйтесь, души свои в руцы Божии предавшие;

Радуйтесь, Торжество Православия утверждающие;

Радуйтесь, и по смерти никого не оставляющие;

Радуйтесь, тесными вратами в Царствие Божие вшедшие;

Радуйтесь, блага земные Христа ради отвергшие;

Радуйтесь, Заповеди Божии исполнившие;

Радуйтесь, на небесех число святых отцев
пополнившие;
Радуйтесь, мужественно искушения
преодолевшие;
Радуйтесь, за короткое время мног плод
сотворити успевшие;
Радуйтесь, светильницы на свещнице Божией
возженные;
Радуйтесь, молитвою и постом преображенные;
Радуйтесь трие новомученицы Оптинские,
Христа распятого и воскресшаго проповедницы.

Кондак 8

Божьим миром зело увлеченный, к Самому
Творцу любовью воспламенился еси отче
Трофиме, в каждом человеке образ Божий
разумея, ради ближних своих в поте лица
трудился еси, милосердием и состраданием
среди братии выделяясь в радость ко Господу
вшел еси вопиючи Богу: Аллилуиа.

Икос 8

Горячо ревнуя о просвещении светом Христовой
истины в таинстве крещения близких своих, ты
отче Трофиме и по смерти продолжаеши
святыми своими молитвами приводи людей ко
спасительным таинствам в Церковь Божию, за
таковую любовь твою к люду непросвещённому
и мы ти вместе с Ферапонтом и Василием

предстоящими в сонме мучеников у престола
Божия благодарственно воспеваем сие:
Радуйтесь, красоту церковную возлюбившие;
Радуйтесь, в храм Божий всегда на молитву
спешившие;
Радуйтесь, в деле спасения нам помогающие;
Радуйтесь, кающихся грешников никогда не
отвергающие;
Радуйтесь, горних обителей наследницы;
Радуйтесь, иноческого жития исповедницы;
Радуйтесь, Оптиной пустыни монахи
смирные;
Радуйтесь, на Святую Пасху за Христа
убиенные;
Радуйтесь, радость духовную познавшие;
Радуйтесь, мнози люди в вере воспитавшие;
Радуйтесь, незлобвии сердцем приятели;
Радуйтесь, в скорбях утешения податели;
Радуйтесь трие новомученицы Оптинские,
Христа распятого и воскресшаго проповедницы.

Кондак 9

Звонари искусные отцы святии Феропонте и
Трофиме, радость Воскресения Христова миру
возвещавшие, яко созревшие колосья пожаты
бысте, и от трудов земных вместе с отцем
Василием в обители Небесные Пасху Красную
праздновати призванные, ныне же вси трие

пред Святою Троицею предстоящие, научаете нас пети Богу: Аллилуиа.

Икос 9

Опытно познав яко любы жертвенна есть, не убоялися есте креста Богом вам данного и, стяжавши сию добродетель, Богу уподобилися есте, кровию своею не токмо души свои убелившие, но и наши сердца каменные растопившие, посему мы вопием вам с любовию таковая:

Радуйтесь, подвижницы благочестия;
Радуйтесь, обличители зла и нечестия;
Радуйтесь, истину усердно искавшие;
Радуйтесь, в Боге смысл жизни познавшие;
Радуйтесь, мир душевный обретшие;
Радуйтесь, в святой обители духовно окрепшие;
Радуйтесь, свободу во Христе нашедшие;
Радуйтесь, в селения Небесныя вшедшие;
Радуйтесь, уставов Церковных ревнители;
Радуйтесь, догматов Церкви исполнители;
Радуйтесь, о смертном часе помышлявшие;
Радуйтесь, любовь Христову стяжавшие;
Радуйтесь трие новомученицы Оптинские,
Христа распятого и воскресшаго проповедницы.

Кондак 10

Пред огненным искушением видением
преподобного Амвросия утешенный отче

Василие, выю свою Господеви преклонил еси, памятуя слова Спасителя: «Иже бо аще хочет душу свою спасти, погубит ю; а иже погубит душу свою Мене ради и Евангелия, той спасет ю...» и на заклание вместе с Ферапонтом и Трофимом последовал еси, воспевая песнь Богу: Аллилуиа.

Икос 10

В Оптиной пустыни мнози плоды сотворили есте труженики Христови отцы Василие, Ферапонте и Трофиме, но еще более плодотворите по смерти вашей возвещая миру яко «у Бога нет мертвых, у Бога все живы», сего ради нас в православии укрепляете и научаете воспевати вам сице:

Радуйтесь, свято на земли пожившие;

Радуйтесь, житием своим Господа
возвеселившие;

Радуйтесь, земнии странници;

Радуйтесь, Божии избранници;

Радуйтесь, столпы Православия;

Радуйтесь, низложители тщеславия;

Радуйтесь, Божия Матери почитатели;

Радуйтесь, горнего мира искатели;

Радуйтесь, не себе, а Богу угождавшие;

Радуйтесь, за Христа пострадавшие;

Радуйтесь, гордыни победители;

Радуйтесь, злых нравов искоренители;

Радуйтесь трие новомученицы Оптинские,
Христа распятого и воскресшаго проповедницы.

Кондак 11

Древний змий ненавистью к роду человеческому
разжигаемый, вас иноков Христовых в день
Светлого Христова Воскресения зверски слугою
своим поражает, тем самым агонию свою
возвещая, мы же имея вас яко Ангелов на
Небесех, Победителю смерти победную песнь
воспеваем: Аллилуиа.

Икос 11

Веруем, яко душами своими в обителях райских
почиваете, телесами же нетленными
воскресение мертвых прежде всеобщего
воскресения возвещаете, на Пасху Христову
разбойнически закланные новомученицы
Оптинские Василие, Феропонте и Трофиме и нас
грешных не оставляйте воспевающих вам сице:
Радуйтесь, яко к покаянию приводите грешники
мнози;
Радуйтесь, яко молитвы ваша утверждают в нас
ревность по Бозе;
Радуйтесь, святых отцов наследницы;
Радуйтесь, безмолвнии Воскресения
проповедницы;
Радуйтесь, яко могилы ваша благоухают;
Радуйтесь, яко кресты ваша миро источают;

Радуйтесь, времени неподвластные;
Радуйтесь, Церкви Христовой чада прекрасные;
Радуйтесь, яко имена ваша написаны на
Небесех;
Радуйтесь, яко от греховного сна пробуждаете
всех;
Радуйтесь, веяниям века не покорившиеся;
Радуйтесь, с Богом и в Боге раскрывшиеся;
Радуйтесь трие новомученицы Оптинские,
Христа распятого и воскресшаго проповедницы.

Кондак 12

Благодать Божию обильно на вас излианную
сведущии, разумеем, яко сила Божия в немощи
человеческой совершается, посему вам яко
проповедникам Воскресения Христова
благодарственно вопием и к бесконечному
милосердию Божию к роду человеческому в
радости и веселии взываем: Аллилуиа.

Икос 12

Поюще и славяще ваше богоугодное житие и
блаженную кончину яко триех проповедников
Пресвятой Троицы, аще бы и множество
составленных нами песнопений не довольно
будет восхвалити вся славная и великая яже
Господь в вас прославившийся сотвори, но яко
благодарные чада Отца Небесного во умилении
сердец вопием к вам таковая:

Радуйтесь, Царя Небесного служители;
Радуйтесь, обители Оптиной небожители;
Радуйтесь, яко вашими молитвами люди к вере возвращаются;
Радуйтесь, яко мнози благодаря вам к таинствам Церкви приобщаются;
Радуйтесь, стрелы лукавого далече от нас отгоняющие;
Радуйтесь, грешников на путь спасения направляющие;
Радуйтесь, яко «Дивен Бог во святых Своих» вами исповедуется;
Радуйтесь, яко «Воистину Христос воскрес!» на Руси паче всех проповедуется;
Радуйтесь, в сонме мученическом за нас предстоятели;
Радуйтесь, «смертию смерть Поправшего» в Царстве Любви созерцатели;
Радуйтесь, от болезней тяжких исцеляющие;
Радуйтесь, у престола Божия нас поминающие;
Радуйтесь трие новомученицы Оптинские, Христа распятого и воскресшаго проповедницы.

Кондак 13

О преславнии и треблаженнии новомученицы Оптинские Василие, Ферапонте и Трофиме, яко агнцы на Пасху закланные и в радость к Пастыреначальнику и Победителю смерти вшедшие, кровию своею землю русскую

освятившие и надежду воскресения и
возрождения Святой Руси возвестившие;
испросите нам у Всещедрого Бога в вере
укрепление, в надежде на спасение жития
нашего исправление, в любви нелицемерной ко
Творцу и людям, и даже врагам подражателями
вам быть. Трие новомученицы Христовы у
престола Божия молитесь избавитеся нам
вечных мук, сподобитеся в Царствии Небесном
вместе с вами воспевати песнь Триединому
Богу: Аллилуиа, Аллилуиа, Аллилуиа.

Этот Кондак читается трижды, затем Икос 1 и
Кондак 1

МОЛИТВА

О преславнии новомученицы Оптинские отцы
святии Василие, Ферапонте и Трофиме! Веруем,
мы грешнии и недостойнии, яко воистину за
одного праведника Господь милует тысячи
грешников. Вы же вси трие, услышав глас
Господень: «Аз Есмь Дверь, Мною аще кто
внидет спасется...», обрели бесценный бисер
Христа и взяв кийждо свой крест за Ним
последовали есте и яко благ Господь опытно
познавши радости райской вкусити сподобилися
есте. Вы яко елень спешащий на источники
водные к Подателю Воды Живой притекли есте
и в духе и истине Ему поклонилися есте. Вы яко
агнцы закланные на Пасху Христову венцами

мученическими увенчались есте.

Ныне же у престола Божия предстоящие и за народ русский и вся православныя христиане молящиеся, испросите у Христа Бога нашего: пастырям Церкви ревность в деле спасения и о пастве своей попечение; отпадшим от Православия в лоно Матери-Церкви возвращение; всем нам во грехах погрязших и страстях сплетенных через покаяние с Богом примирение; малодушным в вере укрепление; гневливым кротости, горделивым смирения; супругам целомудрия и терпения; враждующим примирение; старым мудрости и рассуждения, юным воздержания и вразумления; детям послушания и разума в деле учения; всем же в добродетелях Богу уподобление, от вечных мук избавление и бессмертной души спасение.

О святити трие новомученицы Оптинские Василие, Ферапонте и Трофиме Христа распятаго и воскресшаго проповедницы, молитесь ко Господу, дабы и нам вместе с вами сподобитесь в Царствии Небеснем воспевати пресвятое и великолепое имя Отца, и Сына, и Святаго Духа, Единаго в Троице славимаго и покланяемаго Бога, ныне и присно, и во веки веков. Аминь.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДНИЦЕ
АРХАНГЕЛАМ
И АНГЕЛАМ**

I

**НОВЕ
* НЕБО**